

Avosto. Manda la proposta di l' orator di Franza a Cesare, et la risposta di Cesare. La copia di la qual sarà scritta qui avanti.

Fu posto, per li Consieri, una taia a Verona, apar per lettere del Podestà, di 20 Avosto, che a Frison Rambaldo fo di missier Silvestro dottor, hessendo in una camera terena a meza notte, fo aperte le porte et fattoli insulto et ferito, *videlicet* chi accuserà il mandatario habbi ducati 2000, con altre clausule, *ut in parte.* Ave: 130, 3, 0.

Fu posto, per li Consieri, una taia a Salò, lettere di sier Giacomo Corer proveditor, di 18 Avosto, di certo inconveniente contra Antonio ditto il vechio di Gardon, con schiopi, etc., chi accuserà lire 1000, et sapendo, bandirli di terre et lochi con taia, vivo lire 500, morto 300 *ut in parte.* *Item,* etiam darli autorità di uno altro caso seguito de li, *videlicet* darli taia et bandirli *ut in parte.* 143, 10, 0.

Fu posto, per i Consieri et tutti di Collegio, che a la nave di sier Battista Nani di sier Polo Nani, sia acomoda di la Signoria nostra, la qual ha fatto far a Curzola, di poter trazer di questa terra per ditta nave senza pagar dazio, feramenti, legnami et sartie, et quelle condur a Curzola. *Item,* certi legni di larese, *ut in parte.* Fu presa. 135, 31, 7.

Fu posto, per li Savii, che quelli hanno beneficii in Levante et Dalmatia et Histria et sono in questa terra, debbano pagar quanto sarà tanxadi per li VII Savii; li qual danari siano posti a conto di ducati 20 milia fu preso tansar il clero da mar, *ut in parte.* Fu presa. Ave: 111, 8, 8. Zoè fu preso che li VII Savii a li prelati et altri ecclesiastici sono qui, li tansi ad imprestado al Monte del subsidio, etc.

Fo tolto il seurtinio di Proveditor zeneral in campo. *Etiam* niun passoe.

Electo Proveditor zeneral in campo, con pena.

Sier Zuan Moro è luogotenente in la Patria, qu. sier Damian	65.121
Sier Hironimo Justinian procurator, fo savio del Consejo	65.122
Sier Francesco Corner el cavalier procurator	67.123
Sier Tomà Moro fo capitano a Verona, qu. sier Alvixe	81.104
Sier Nicolò Bernardo savio del Consejo, qu. sier Piero	48.138
Sier Francesco Foscari fo capitano a Brexa, qu. sier Nicolò	55.133

Sier Santo Contarini el capitano a Padova, qu. sier Bernardo	40.149
Sier Marco Grimani el procurator	80.106

Fu posto, per li Consieri, Cai di XL et Savii, 13 che domino Tomaxo Zanechin dottor visentin, è debitor di tanse del 1505 fin 1508, et 1509 fin 1513, nel qual tempo parte non abitava in questa terra, pertanto sia comesso ai X Savii sopra le decime che lo aldi et fazi raxon. Fo balotà do volte heri, non fu presa, et hozi fu presa. Ave: 152, 23, 7.

Fu tolto il seurtinio di tre sora le cose di Corizuola, del numero di 5, in luogo di sier Alvise Mozenigo el cavalier è intrà Consier, di sier Francesco Donado el cavalier è intrà Savio dil Consejo et di sier Francesco da chà da Pexaro è fuora. Et si fanno con pena, con bolletini tolti numero . . . , tra li qual intesi erano sta tolti 11 parenti del Serenissimo, iusta il solito. Et visto questo, cosa vergognosa molto che si voy smacar il Serenissimo con questo, parse a li Cai di X inquerir di questa cosa, *unde* fu terminà di non stridar li electi, *maxime* perchè par siano li bolletini quasi di una man. Et fo licentià il Pregadi, era hore 24, et chiamà il Consejo di X semplice per far provisione, et intrò sier Hironimo Barbarigo in loco di sier Francesco da Pexaro, è fuora per haver refudà in campo.

In questo zorno et la notte et poi disnar fo grandissima pioza.

Questi fono tolti parenti del Serenissimo.

Sier Piero Griti, qu. sier Homobon,
Sier Zuan Pixani di sier Alvise procurator,
Sier Polo Contarini qu. sier Zacaria el cavalier,
Sier Michiel Malipiero qu. sier Giacomo,
Sier Polo Malipiero qu. sier Giacomo,
Sier Antonio Gradenigo qu. sier Zuan Paulo,
Sier Giacomo Gradenigo qu. sier Zuan Paulo,
Sier Zuan Gradenigo qu. sier Zuan Paulo,
Sier Zusto Gradenigo qu. sier Zuan Paulo,
Sier Tadio Contarini qu. sier Nicolò,
Sier Piero Zane qu. sier Andrea.
Item, sier Zuan Badoer dotor et cavalier.
Sier Gabriel Moro el cavalier.

A dì 7. La mattina, se intese heri sera fu dato 13* taia nel Consejo di X semplice, se alcun nostro zentilhomo accuserà chi è stà quello ha posto bolletini et tolto parenti del Serenissimo in più seurtinii, et li bolletini par de una man, possi venir in Pregadi